

Yaaqub^(a.s) Kī Aulaadeñ Misr Me Bastī Haiñ

Taurait : Hijrat 1:5-12, 22

Yaaqub^(a.s) kī sattar aulaadeñ Misr me ā gayī theeñ aur Yusuf^(a.s) pahale se hī wahaan maujud the.⁽⁵⁾

Baad me Yusuf^(a.s), unke saare bhaaī aur us daur ke sab logoñ kā intīqaal ho gayā.⁽⁶⁾ Israaeeliyoñ [a] ke bahut bacche the aur unkī taadaad itnī zyaadā baḍh gaī ki purā Misr unse bhar gayā.⁽⁷⁾ Tab ek nayā Firaun Misr ke taḳḥt par baiṭhā jisko Yusuf^(a.s) ke baare me naheen patā thā.⁽⁸⁾ Is Firaun ne apne logoñ se kahā, “Israaeeliyoñ ko dekho, ye bahut zyaadā haiñ.⁽⁹⁾ Hamen in logoñ ko mazbut hone se rokne ke liye kuch karnā chaahie. Agar kabhī jañg huī to ho saktā hai ki ye hamaare dushmanoñ se mil kar hamse hī laḍeñ aur mulk ko ḥoḍ deñ.”⁽¹⁰⁾

Misriyoñ ne faislā kiyā ki wo Israaeeliyoñ ko ḡulaam banā kar unse saḳḥt mehanat waalā kaam karawaayeñge. In maalikoñ ne unse zabardastī kar ke shahar Pithaam aur Raimsees banwaae, jahaan par Firaun anaaj aur dusrī cheezeñ jamā kartā thā.⁽¹¹⁾ Misriyoñ ne Israaeeliyoñ par jitnā zyaadā zulm kiyā lekin unkī taadaad utnī hī zyaadā baḍhne lagī aur wo har taraf failne lage.⁽¹²⁾

Firaun ne apne logoñ ko hukm diyā ki agar koī Ibraanī [b] aurat kisī laḍkī ko paidā kare to use wo zindā rakhe aur agar bacchā ek laḍkā hai to usko Neel nadeeñ me pheñk diyā jaae.⁽²²⁾

[a] Yaaqub^(a.s) kā naam Israaeel^(a.s) ban gayā thā islie unke ḳḥaandaan waaloñ ko Israaeelī kahte the.

[b] Ibraanī matlab Israaeelī.